



Inatsisartunut ilaasortaq Anders Olsen, Siumut

Inatsisartut@ina.alla.gl

**Sullissisut ilaasunik angallassinermut kiffartuussinissamut isumaqatigiissutini
pisussaaffimmik malinninnissaat pillugu § 37 naapertorlugu apeqquteqaammut
2025-19-imut akissut.**

Dato: 19-05-2025
Sagsnr.: 2025 - 9986
ID. nr.: 97621197

Asasara Anders Olsen

Inatsisartut suleriaasianni § 37 naapertorlugu ilaasunik angallassinermut kiffartuussinissamut isumaqatigiissutit malinneqarnissaannik qulakkeerinissaq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummilla malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

**Apeqqut 1. Naalakkersuisut qanoq pilersaaruteqarpat, suliniuteqarnermikkut
qulakkeerniarlugu, kiffartuussinissamik isumaqatigiissuteqarfigineqarsimasut
pisussaaffimminnik naammaginartumik naammassinnissimanersut
qulakkeerniarlugu?**

Akissut: Ilisimatitsissutigisinnaavara, Naalakkersuisoqarfinniit sullissisut kiffartuussinissamut isumaqatigiissutini pisussaaffimminnik naammassinninnissaat qulakkeerniarlugu suliniutinik aallartitsisoqarsimammat. Tassunga ilanngullugu sullissisut sapaatit akunnikkaartumik killiffiit pillugit ataatsimeeqatigineqartarnissaat pilersaarutigineqarpoq, taamatullu isumaqatigiissutinik malinninnissaq sukannernerulersinneqarluni.

Tamatuma saniatigut Air Greenland A/S aamma Disko Line A/S kiffartuussinissamut isumaqatigiissutaat pillugit ataatsimeeqatigaakka, taamatullu pitsannguinnissamut suliniuteqaqqullugit qinnuigalugit.

**Apeqqut 2. Isumaqatigiissutit naammassineqanngippata, isumaqatigiissutinik
allannguinnissamut sulissuteqartoqarnissaa Naalakkersuisut pilersaaruteqarfigaat?**


Akissut: Paasissutissiissutigisinnaavara, kiffartuussinissamut isumaqatigiissutit piffissap qanoq ilinerani isumaqatiginninniaqqissinnaanermut aalajangersakkanik imaqarmata. Naalakkersuisunit isumaqatiginninniaqqinnissamut periarfissat pillugit suli oqaloqatiginnittoqanngilaq, kisiannili kiffartuussineq sukkut pitsannguiffigineqarsinnaanersoq, aammalu suliniutit suut pisariaqartinneqarnersut pillugit sullissisut ingerlaavartumik oqaloqatigineqarput. Suliaqarumaarpoq.

Naggasiutigalugu ilisimatitsissutigisinnaavara, kiffartuussinissamut isumaqatigiissutitut atatillugu inuiaqatigiinni aningaasaliissutit atornerqartut annertunerat aningaasaliisarnermilu innuttaasut nunatsinni angalasinnaaneriniq qulakkeerinissap siunertaanera, Naalakkersuisunit annertuumik eqqumaffigineqarmat. Taamaattumik isumaqatigiissutini kiffartuussinermilu sullissisunit ingerlanneqartuni isumaqatigiissutit malinneqarnersut malinnaaffigineqartarpoq. Tamatuma saniatigut isumaqatigiissutit iluanni pitsannguiffiusinnaasut pillugit ingerlaavartumik oqaloqatigiittoqartarpoq, taamatullu Naalakkersuisut Inatsisartut Aningaasaqarnermut Akileraartarnermullu

Ataatsimiittitaliaannit akuerineqarlutik pisariaqartitsisoqartillugu saniatigut sullissinernik pisisinnaallutik.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

A handwritten signature in blue ink, consisting of several overlapping, stylized loops and strokes.

Aqqâluaq B. Egede